




Պ Ա Շ Տ Օ Ն Ա Կ Ա Ն Ք

ՔԱՂՈՒԱԾՔ ՅՕՐԱԳՐՈՒԹԵԱՆ ՍԻՆՕԴԻ

— Ի 20 մարտի Սինօդ լուալ զխնդիր ծխականաց Հին Խրիմու և Սուբաշի գեղջ և ի նկատ առեալ զկանոնադրութիւն զկառավարութեան վանուցն ս. Խաչի կազմեալն ի ծխական ժողովոյ հրամայեաց, պատուիրել Առաջնորդի Թեմին նոր նախիջկանի և Բեասարաբիոյ նախ՝ տնօրինել ծանուցանել խնդրատու ծխականաց Հին Խրիմու և Սուբաշի, եթէ խնդիրք նոցա, որ վասն կարգի կառավարութեան վանուցն ս. Խաչի և կալուածոյն, ունին ընդունել լուծումն յետ քալստեան նորոգ Հայրապետի ազգիս կից ընդ միւս խնդիրս կառավարութեան համայն վանօրէից և վանական կալուածոց և երկրորդ՝ ի հեռագրաց ժամ. կառավարչի վանուցն ս. Խաչի Տ. Ներսէս վարդապետի ի 26 փետրուարի և ի 17 մարտի տարւոյս տեսանելով՝ զի գթութեանայ նա վարել զայց պաշտօն, ուստի առնել զպատշաճ տնօրէնութիւն վասն կարգելոյ զայլ ոք ի վանահայր Թ. 220:

— Ի 15 ապրիլի Սինոդ լուեալ զգործ կառավարութեան կալուածոց, որք յԱլէքսանդրապօլ, հրամայեաց, ունելով առաջի աչաց, զի Հոգաբարձութիւն Արդութեան գարոցի Ալէքսանդրապօլու ոչ կատարէ մինչ ցայժմ զսարտականութիւն իւր ըստ գործոյ կառավարութեան Էջմիածնապատկան կրպակաց, որ յԱլէքսանդրապօլ, ոչ հասուցանելով Սինոդիս զհասանելի Մ. Աթոռոյ լրիւ մասն վարձագրամոց կրպակացն՝ ուստի ազատ կացուցանելով զհոգաբարձութիւնն յիրաւանց կառավարելոյ զկրպակսն, յանձնել զայն ի տեսչութիւն Հոգեւոր կառավարութեան Ալէքսանդրապօլու, պատուիրելով վերջնոյս կառավարել զկրպակսն ըստ առաջնոյն, տալ ի վարձու զայն կրպակս պայմանաժամ վարձակալութեան որոց անցեալ է կամ անցանի, գանձել զսպառիկ վարձադրումն և մատուցանել Սինոդիս զցուցակ ապառկաց վարձադրամոց ժողովեալ ի ձեռն հոգաբարձութեան և այնոցիկ դրամոց, զորս հոգաբարձութիւնն առեալ է ինքեան և զորս առաքեալ է ի Սինոդ Ի կատարումն վճռոյս տալ հրաման Կոնսիստորիային Երեւնայ, Թ. 235.

— Ի 17 ապրիլի Սինոդ լուեալ զգործ ձեռնադրութեան բնակչի Խանլուխլար գեղջ գաւառին Շարուր-Դարալագեաղի Թորգոմայ Տէր Յարութիւնեան Զաքարեանց հրամայեաց, թոյլ տալ Կոնսիստորիային Երեւնայ ընդունել զբնակիչն Խանլուխլար գեղջ զԹորգոմայ Զաքարեանց ի հոգեւոր կոչումն առ ի ձեռնադրել զնա ի քահանայ Տաշարիս գեղջ գաւառին Շ.-Դարալագեաղի, Թ. 243.

— Ի նմին աւուր լուեալ զգործ պատկի բնակչի ո. Խաչքաղաքի Իսահակայ Տիրացու—Պօղոսեանց ընդ Հեղինէի Թիրքայեանց, հրամայեաց, թոյլ տալ նոցա մտանել յամուսնութիւն ի հինգերորդում աստիճանի խնամութեան, Թ. 242.

— Ի նմին աւուր Սինոդ լուեալ զգործ պատկի բնակչի Քեչիշվերան գեղջ Սահակայ Սեդրակեան ընդ Լուսիկի Կարապետեան, հրամայեաց, թոյլ տալ նոցա մտանել յամուսնութիւն ի հինգերորդում աստիճանի խնամութեան, Թ. 241.

— Ի նմին աւուր Սինօդ լուեալ զգործ պատկի բնակչի Կուսապատ գեղջ Յովհաննու Աթաբէկեան ընդ Հայկահունչի Աղասարեանց, հրամայեաց, թոյլ տալ զպատկ Յովհանիսի Աթաբէկեանց ընդ Հայկահունչի Աղասարեանց ի վեցերորդ աստիճանի ազգականութեան հանդերձ խորթութեամբ թ. 240.

— Ի նմին աւուր Սինօդ լուեալ զգործ ձեռնադրութեան բնակչի Աբուլ գեղջ դաւառի Ախալքալակայ թորոսի Պարկեանց հրամայեաց, թոյլ տալ Կոնստանտինոպոլիսի Վրաստանի ընդունել զբնակիչ Ապուլ գեղջ դաւառին Ախալքալակայ զթորոսն ի հոգեւոր կոչումն և առաջադրել Առաջնորդի թեմին ձեռնադրել զնա ի քահանայ գեղջն թ 239,

— Ի 15 ապրիլի Սինօդ լուեալ զգործ զեղծմանց կառավարչի Մարցայ Սարգսի Սահակեան, հրամայեաց, ի քննին առեալ Սինօդի զգործս գըտանէ 1, զի ի ժամ քննութեան Բենիկ վարդապետի ի յայտ եկեալ են մերձ յերկաթուղային կայարանն Քալաբերան ընդ փայտեղէնս Սոսիի Վանեան և Մատթէոսի Քոչարեան 13 գերանք և ընդ փայտեղէնս Արշակայ Տէր Յովհաննիսեան 98 գերանք վանական կնքով. 2, սոյն օրինակ յայտ եկեալ են առ 18 բնակիչս Դսեղ գեղջ այլ և այլ քանակութեամբ գերանք և ատաղձք, արտահանեալ յանտառէն Մարցայ, 3, առ բնակիչս Շամուտ գեղջ՝ բազում փայտեղէն, 4, առ 44 անձինս ի բնակչացն Մարցայ, բազում գերանք, ատաղձք և այլ փայտեղէնք, 5, Սարգիսն Սահակեան վաճառեալ է Արշակայ Տէր Յովհաննիսեան զմի հազար գերանս իւրաքանչիւրն 1 ա. 10 կ. տալով նմա նախօրօք զմի մասն յոյնոցունց, 6, Սահակեանն հանդէպ ծախուց չունի զօրինասահման փաստաթուղթս, 7, ըստ ժապաւինեալ մատենի մուտքն ցուցեալ է պակաս 93 ա. 81 կ. քան զմուտս արմատից մատենից անդորրագրաց, 8, չէ արգելեալ շինականաց զշինութիւն գոմոց յանտառին, որով մեծաւ չափու վնասեալ է կալուածն, 9, չէ արգելեալ գիւղացեաց զինքնազուլս հատանումն ծառոց յանտառէն, որով նոյնպէս վնասեալ է կալուածն, 10, ըստ տոմսակի յ17 սեպտեմբեր

տեմբերի 1908 ամի № 81 թիվաթիվ է Գրիգորի Ար-
ղըմանեան և այլոց երկոց անձանց պատրաստել զշալալս յըն-
կեցեալ վայտից և չիշատակելով ի ատմական զարժէս և
զքանակ չալալիցն և ոչ իսկ զժամանակ արտահանութեան
նոցին: Անձինք այդոքիկ պատրաստեալ են զ2000 շալալս
և ունէին պատրաստել ևս զ3000 ըստ բռնից նոցա, վճա-
րելով առ իւրաքանչիւր շալալն զ8- ական կոպէկս, մինչ-
դեռ Սինօդս վաճառեաց զ2000 հատս ի նոցունց 30-ա-
կան կոպէկօք իսկ զհետեւեալ 3000՝ 40ական կոպէկօք և
11. ցուցմամբք վկայից բազմաց հաստատեալ լինի, զի
կառավարիչն կալուածոց Մարցայ Սարգիսն Սահակեան
անխնայ հատեալ, իւրացուցեալ և վաճառեալ է յօգուտ
իւր զվայտեղէնս ի կալուածոյն Մարցայ յանձնարարելոյն
նմա, որով և գործեալ է յանցանս նախատեսեալս յ830²
յօդուածոյ պատժական օրինաց. ուստի և Սինօդս վճռէ
նախ՝ յանձնել զնախկին կառավարիչն վանական կալուա-
ծոց Մարցայ՝ զՍարգիսն Սահակեան ըստ զօրութեան յի-
շատակեալ յօդուածոյն ի դատ քաղաքական իշխանու-
թեան ի ձեռն պրօկուօրի գատարանին Տփլիսեաց, երկրորդ-
կարգել զժամանակաւոր կառավարիչ կալուածոյն Մար-
ցայ զպ. Ռոստոմն Թումանեան տալով նմա մինչ ցմշակումն
ընդհանուր կանոնաց կառավարութեան և շահագործման
համայն վանական կալուածոց զհետագայ հրահանգս ի կա-
տարումն. 1. պահանջել և ժողովել զապագային վերջին ա-
մաց ի գիւղօրէիցն, որովք և վճարել զպետական հարկս.
2. զտուրս յողջոյն գիւղօրէից ժողովել յերկրային բերոյ
ըստ հասարակ եղեալ ի վաղնջուց անտի կարգի. 3. արդե-
լուլ շինականաց շինել ի խորս անտառին զամբարային և
ձմերային գոմս, ոչնչացուցանելով զշինեալս ի վերջին ամս.
4. արդելուլ շինականաց կերակրել զանասունս ոստիւք
ծառոց. 5. արդելուլ նոցա հատանել որպէս ի պէտս շի-
նութեանց իւրեանց, նոյնպէս և վասն արտահանութեան
զնոր դալար ծառս. քանզի ընկեցեալ չոր վայտք շատ են
յընթացս տառնեալ ամաց վասն յիշատակեալ պիտոյից.
6. անտառապահք սլարտին ունել հսկողութիւն զի ի շինել

գիւղացեաց յանտառին զթի, զկսւթ և զայլ գործիս մի առնուցուն և ընտրեսցեն զփայտս զորս կամիցեն, այլ պարտին այդ ամենայն կատարեալ լինել գիտութեամբ կառավարչի և անտառապահացն և 7, զգտեալ առ ընթեր Մարց գեղջ զաղչայ հողաբաժինն, որով օգտին պետական Քարինջ գիւղացիք վճարելով տարին ի վարձ զ80 ռուբլիս, յոյժ սակաւ տուրս, որ և տակաւին մնայ ապառիկ, թողու ի ձեռս Քարինջ գիւղացեաց մի ամեայ ժամանակաւ ի տարին 100 ռուբլի վարձու, զի գիւղացիք Մարցայ առաջարկեն զայդ գումար, մինչ ցկարգաւորումն կալուածոյն թ. 234.

— Ի 4 մայիսի Սինօդ լուեալ զգործ ձեռնագրութեան բնակչի Շուշիքենդ գեղջ Արսէնի Տէր Պետրոսեան ի քահանայ հրամայեաց. թոյլ տալ կոնսիստորիային Ղարաբաղի ընդունել զԱրսէնն Տէր Պետրոսեան ի հոգևոր կոչումն և առաջագրել առաջնորդի թեմին ձեռնագրել զնա ի քահանայ Շուշիքենդ աւանի գաւառի Շուշոյ, թ. 261.

— 18 նոյն ամսոյ Սինօդ լուեալ զգործ մեղադրանաց Գէորգայ քահանայի Զաքարեանց Եկատերինօդար քաղաքի հրամայեաց. առեալ ի նկատ զանվայել բարս Զաքարեանց Գէորգ քահանայի Եկատերինօդար քաղաքի առաքել զնա անորոշ ժամանակաւ ի վանս Սեանայ յապաշխարութիւն զրկելով ի քահանայագործութենէ. ի կատարումն վճռոյս հանել հրաման վիճ. կոնսիստորիային Աստրախանի և վանահօրն Սեանայ վանուց. թ. 268.

— Ի նմին աւուր, Սինօդ լուեալ զառաջագրութիւն Տ. Տեղակալի, որով յանձն առնէ զառաքեալսն ի կողմանէ Վեհափառ Տ. Տ. Մատթէոս Կաթսւղիկոսի զօանուենս ժառանգաւորաց զպրօցին ս. Երուսաղէմի, առ ի ուսանել ի հօգևսր ճեմարանի Մ. Աթոռոյս, խնամել, հրամայեաց. պատուիրել վանական կառավարութեան Մ. Աթոռոյ տալ զպրացն Պետրոսի Յարութիւնեան, Ասատրոյ Զօրպաճեան և Մանուէլի Գիւրգէլեան տեղի բնակութեան ի հիւրատան և հօգալ ի սննդենէ և այլ ծախուց նոցին ցգալուստ վե-

Հախառ Հայրապետի, ծախելով դրամն ըստ յօդ. անակընկալ ծախույց. Թ. 272:

— Ի նմին աւուր Սինօդ լուեալ զգործ ձեռնադրութեան բնակչի Բաշ-Շիրակ գեղջ շրջանին Կարուց Նաղարէթի Շիրակունեոյ հրամայեաց. ունելով առաջի աչաց՝ զի նախ՝ Նաղարէթն Շիրակունի չունի վկայական լրացուցիչ քննութեան չորրորդ դասարանի, որ սլահանջի ծխական կանոնադրութեամբ և երկրորդ՝ որպէս տեսանի ի գրութենէ պրօկուրօրի շրջանային դատարանի Գանձակայ ի 14 տարիի տարւոյս Թ. 6706, մեղադրի նա ի սպանութեան ուսուցչի Պիլիպենկոյի, ուստի զմիջնորդութիւն, որ վասն զեռնադրութեան զՇիրակունին ի քահանայ թողուլ առանց հետեանաց. Թ. 273:

